

定襄縣志卷之二

建置志

王子曰險之為用尚矣治亂安危之幾固不大哉先王建國郡自為封邑自為守非歎其形勢便要以輯衆志固吾圉維國勢于不傾耳儒者闇於時變當其居平晏然不以疆土為慮習安狃便岡所區畫迨其有警倅而圖之其何及焉以余所聞世廟時虜騎數薄城下胡不大為躡蹂所恃有基勿定襄縣誌

卷之二

建置一

壞差足禦其米而大師維垣無形之險尤隱然磐石也太史公曰形勢雖疆要以仁義為本旨哉言之矣作建置志

城池

古城周遭二十五里頽廢僅存遺址縣城在古城內北隅北齊武成河清二年周將楊忠築周遭四里七十三步卑薄不堪固守天順間屢中虜患嘉靖初知縣張榮增修隆慶元年知縣常世勳郭外

東西北三面築圍牆基廣一丈五尺高如其數時
它 俛南面未築明年知縣李廷儒大修城池
萬曆元年知縣王濯征重修西南門樓皆張九巽
記十三年知縣白璧修東西甕門各題石刻東曰
保障曰輯寧西曰慶成曰靖邊南曰保泰曰宣平
小南門曰永康廢塞北門萬曆三十二年知縣王
興色修甕城各城樓題扁自記西北兩處屢多傾
圯三十六年一百三丈五尺知縣魏從周補修四十

二年九十六丈七尺知縣王立愛補修增飾各城
樓加以扁聯東內仍股肱畿輔外易賔賜西內
易保障天門外易寶成為 慶成府諱南內易天
中覽秀外仍迎薰小南門內易塞北雄觀外仍映
暉北面向仍襟帶山河題聯鎖鑰北金湯形勝南
未誇第一山河雄帶礪輿圖北拱可無雙內扁覽
勝樓題聯樓閣嚮南開風動晉昌解愠阜財此地
有堯天舜日城垣當北塞雉高一 路壯觀固圍何

處是漢柱泰闕楼下扁晉陽鎖鑰北面易四塞金
湯四十四年北面東傾圯一十四丈三尺知縣董
一經補修

縣治

縣治前代無攷洪武三年主簿李忠建在城西南
隅累朝增飾中為堂贊政廳翼在堂西東為庫
東西下列各房科如制甬道中有戒石亭戒石置
儀門東北向堂後院橫界以墻中門一座進為後

堂左廂房一間廂房後東北書房三間由廂房南
開門東入堂後院宅門一座內樹屏墻後宅三間
右廂房二間宅東一門摺入後院高樓三間左右
廂房各三間樓後空地連築界墻再後書房三間
宅左為縣丞衙典史衙在丞之南前稍東並由儀
門內入右為主簿衙西房科後為獄儀門外東為
土地祠西南為武庫嘉靖初知縣張榮重修建行
義倉于武庫北建思奉亭于宅東自記今俱廢三

十六年知縣施元重修隆慶元年裁減縣丞改為簿衙簿舊衙廢後為諸曹公廨三間萬曆二年知縣王濯征重修五年知縣安嘉士扁後堂為再思建山水亭于宅後各自記又于亭左構琴鶴軒今俱廢二十一年知縣劉天禎建賓館于土地祠右中堂舊扁拊循萬曆三十二年知縣王興改應宿堂後墻門扁思補改再思為寅恭扁賓館為親仁軒題儀門外聯地僻封微漫以延袞看黑子民貧

賦重湏將疴癢問蒼生萬曆四十二年知縣王立爰大加增修頭門橫街舊樹屏墻塞門今改徙街南街北建古晉昌坊一座三架中設門出入必關街中闢為周行人甚便之頭門北徙一丈六尺鼎新豎盖題聯方四五十里彈丸之區土瘠民疲痼瘵無時寘念為東西中路邊鄙敝邑事繁賦重拮据何日小康舊賓館湫隘土地祠不堪棲神鼎新創建改土地祠為賓館三楹高廡題好問堂有聯

何利當興何害當除諸君子嘉惠維衆願各虛心
見教有賢可事有仁可友予一人憑藉茲土寧忘
折節相資改館地為祠前豎捲棚為瞻拜位幽潔
爽塏南向各界以門墻東總一門出出儀門東西
兩隅各建廈三間為里胥監收錢糧棲泊之所儀
門兩角門修砌恢拓加題儀門聯叢蒙洪洞列為
屏百里詹封雄保障牧馬滹沱環若帶一方形勝
甲三關撤去戒石亭懸聖諭于儀門內北向護以

聯天語要在愛民蒞茲土無忘顧畏官箴不離潔
己凜彼石即是循良易應宿為忠愛題聯忠君只
是盡心夜寐夙興勤萬念總成一念無逸愛人莫
先節用民窮財殫省一分可寬萬分如傷刻題名
石于堂左右豎直指李公若星訓廉謹刑碑堂後
左豎門一座題仕學軒從東入北折而抵書房撤
塞舊門改增廂房右豎門一座題種花處從西入
以公廡前空餘地種花也思補護以聯訟牒無冤

門外春深長綠草催科有法縣中秋過屢豐年後
堂簷題矢心天日易寅恭為四知題聯智慮聰明
見未到性生有限起居出入念苟私天地難容鼎
新宅門題如水清署有聯澹泊以居一座官衙清
似水欲仁而得四封赤子盎如春宅屋簷題可與
天知一聯為政先勞若內溝中思己任自公退食
無慙屋漏有天知改建左廂房為三門右增一間
樓題寧遠一聯樓聳具瞻求莫目能周蔀屋地當

北極凭高手可摘星辰樓下題戴星居自內及外
自堂及舍自上及下靡不去敝更新盡地槩加甃
砌向未開水道按行家法疏而導之獄東有隙地
相近獄門另蓋屋三舍名輕監以踈羈獄者詳大
修縣治記

旌善亭

缺萬曆四十四年知縣王立愛捐俸買
縣前屏牆東邑民杜奇地鼎建

申明亭

舊在縣治前南萬曆四十四年知縣王
立愛改建屏牆西與旌善亭相称

賓館

見前

譙樓

缺縣堂支更氏門不聞萬曆四十一年知縣王立爰置鼓南城樓上議給工食召募瞽夫及更

鐘樓

缺舊南城樓有古巨鐘萬餘斤許因包甌城移於廢署空地風雨漂淋一紀萬曆四十二年知縣

王立爰就廢署東南隅地砌石台一座建樓懸藏守城氏壯以撞鳴聲聞三四十里遠蚤暮

與譙鼓翕應境內鈎然一變

胡峪巡檢司

久廢

邊儲倉

久廢

廣濟倉

久廢

預備倉

在察院東門一重上正廡一大座三架東西各三廡萬曆初年知縣王濯征安嘉士先後

定襄縣誌

卷之一

建置七

修葺四十二年知縣王立爰增修上正廡三

架各界以牆改中為官廳扁一方命脈改兩

旁為小廡先是本縣奉文召買備餉穀暫貯

城隍廟水陸寺苦于監守值時估中變增出

斗頭餘穀即以創廡二座于本倉門內之東

積貯備餉穀永社浥瀾之患矣口預備倉穀

無支數本縣每年該積穀二百五十石除每

月給孤貧每名五斗每口四斗罪囚每名口

三斗外餘存留備荒今并從前抵糧買貯放

借存留約共二千八百九十餘石撫院備

餉倉穀三千一百石按院養廉倉原發官

銀本四十兩萬曆三十年為始借借各役加

二收息每年一算除先經給賑今積至一百

一十三兩有奇鹽院濟民倉穀一百四十五

石三斗布政司常平社倉穀一五石以上各

石提學道常平社倉穀一五石以上各

倉並統預備倉內舊編老人一名
裁革該吏經管斗級二名召募

社倉

在城芳蘭青石橫山東霍南莊村向陽村
舊有七處久并為一穀無乏數今并放借

存留約共一千一十五石有奇亦附預備
倉內舊編老人一名裁革總吏經管

按積儲為凶歲計也養廉以銀生息子錢倍母
利非不侈萬一荒歉銀安所用之若乘初秋穀

賤盡糶入倉酌量每三年一出陳易新止收
加一息穀小民必樂于後緩急得有恃賴或亦

設倉之本意乎維是相安放成例中
久而不變未及議請徒滋歎悔耳

社學

一在南門內西久廢一在察院前西門一座
學倉三間各鄉村社學即在寺觀內

陰陽學

定襄縣誌

卷之二

建置八

醫學

二學並缺萬曆四十四年知縣
王立愛改申明亭為之

僧會司

洪武初設在高蔣村功德寺內後改在城
聖壽院內東南歲久傾圮萬曆四十三年

知縣王立愛修
建于院內東北

按

聖節習儀必於寺觀宇內皆然之衰後公署演禮不

知始自何年知縣王立愛捐俸議修本寺令僧
道芝募化遂得修復如故佛殿簷製祝聖道場

金額護以聯佛法空虛百鍊金剛藏世界聖人
萬壽一方土宇永皇圖殿中設萬歲牌一座台階

如制仍復演禮于此漢官威儀一特再見也門內
扁鄉約所又藉此地以宣揚聖化觀瞻禮體斬然一新

道會司

無攷

養濟院

在縣治東南隅計地一畝七分共正屋三間東西列室前門一座

學校

儒學舊在縣治南城外元大德十年知縣趙德

溫重建崔允記

國朝洪武八年縣丞徐思寧移於今縣治東北正德間知縣王卿重修改大先師廟嘉靖三年知縣張榮增飾萬曆十二年知縣白璧重脩恢拓明倫堂二十二年知縣劉士麟建賢關坊于明倫堂台南界

定襄縣誌

卷之二

建置九

以門墻儒學門在文廟西與櫺星門平列從未有扁明倫堂在聖殿後左為日新齋右為時習齋教諭宅在堂後訓導宅一在日新齋一在敬一亭後因增修明倫堂改教諭宅於日新齋後裁革舊訓導宅四十二年知縣王立爰大加修飾北徙學門二丈四尺許新懸儒學扁題聯秀氣抱宮墻四獄兩河再見鳳鳥馬圖之瑞文章呈彩筆拔茅連茹並驅雲龍風虎之交甬路遍砌甃石西耳門扁龍門東耳門扁鳳穴易賢

關為天池堂簷增扁文明護以六經如日月之明
魚躍鳶飛昭察乾坤呈萬象多士應星奎之運蛟
騰鳳起聯翩鱗羽奮青霄又堂聯國家養士儲才忠
孝節義不出庠序學校之範君子立心為己喜怒哀
樂即是天地萬物之樞鼎新題名扁四面堂齋門
宅一竝修葺

文廟舊為大成殿東西兩廡前戟門外東名宦祠
西鄉賢祠中為小泮池前文廟牌坊一座三架三間

東西接以橫牆街中樹屏牆塞中門知縣王立爰改
修文廟坊北徙一丈五尺如制改櫺星門東西橫牆
作八字形街中屏牆徙在舊坊地屏牆東西圍以柵欄
泮池徙而上之亦如櫺星門數更拓深廣戟門扁廟
門殿改先師殿廡各祠悉新如制臺階甬道石砌
啟聖祠在聖殿東路牆東側開一門東入統於櫺星
門內配享無主並祠甚苟簡且傾圯幾盡知縣
王立爰鼎新如制修飾列門南出扁啟聖祠在櫺

星門東前出一步

敬一亭在儒學街西訓導宅前歲久傾頽知縣王立爰鼎新修葺南開一門扁敬一亭在儒學西前出一步學門遜敬一亭門廟門遜啟聖祠門竝向前後列禮制截然矣房象乾記

按儒學前望蒙山如端人正笏相對形容善之惟後山稍遠故鄉紳久有建奎閣于明倫堂後之議謀己僉同惟是閣為後勁眎望聖殿明倫堂必稍高出數尺方為合宜而可稍巋然之雄觀也緣大木未可一時猝得遂致稽阻守土者屢舉而無可藉手豈盛美將有所待耶

定襄縣誌

卷之二

建置十一

射圃

在啟聖祠前地

祭器

大錫香爐一座

大小錫燭台二十枝

大錫爵一百箇

錫籩笮二十座

錫簠簋四件

錫鐙釧三件

錫壘餅一副

錫鍍金尊一副

白綠磁酒尊一副

綠磁籩笮一百座

紅木籩笮二百座

書籍

四書大全一部 二十本

易經大全一部 十二本

書經大全一部 十本

詩經大全一部 十二本

春秋大全一部 十八本

禮記大全一部 十八本

性理大全一部 三十本

定襄縣誌

卷之二

建置十二

大禮集義一部 四本

大禮纂要一部 二本

射禮一部

五倫書一部 六十二本

孝順事實一部 二本

儀禮一部 四本

大平經國書一部 二本

大明一統志一部 十五本

皇明敕諭一部

聖製忠靜服圖書一部

朝祭版圖書一部

大明仁孝皇后勸善書一部 十本

綱鑑一部

二十四本以下萬曆四十四年知縣王立爰續置

大明官制古本一部 二本

初學記一部 十二本

定襄縣舊志一部 二本

定襄縣誌

卷之二

建置十三

韻海全書一部 六本

賦役冊一部

欽定教條一部

新定定襄縣志一部 三本

古文孝經一部

學田

寧武道贍學地四十四畝六分五

釐一毫坐落城東一十四畝六分貫家園一十五畝城北一十二畝五釐一毫城西南三畝共計糧二石二斗三升二勺五抄五撮萬曆二十四年本道僉事劉公養志羨鍰金五十兩所置每年共徵租穀一十三石三斗九升五合三勺候本道賑濟用 舊八蜡廟地九十二畝二分二釐入會計糧二斗二升六合七勺二抄二撮萬曆四十四年知

定襄縣誌

卷之二

建置十四

縣王立爰清出入充學田每畝歲徵租穀三斗五升備月課諸生膳饌之需

按學田至義舉也當道且捐鍰金創置况以公地之于義尤為至當者乎趙襄子墳餘地三十二畝有奇歲徵租銀四兩八錢大約每畝徵稻四五斗之間要不為多惟令里長畊種歲易其人誰肯盡力宜池日就荒蕪耳攷三園記舊八蜡廟即養濟園共地一頃五十八畝四分七釐隆慶二年丈地弓止一頃三十五畝九分三釐內入冊僧地一十八畝稻三斗三升二合按地起科該一十九畝有奇豈新舊步弓有誤也萬曆初年本縣增給至二十畝有奇餘盡為民間侵占幾五十年矣懼人攻訐輒假首地徵糧為詞此掩耳盜鈴也今清丈前僧地除堵閑地七畝三分二釐外實在二十二畝六分四釐仍准僧廣成畊

種地 常住尚存地一頃五畝九分七釐內除堵閑地一十三畝七分五釐餘盡沃壤以充本學月課諸生膳饌之需禮以義起法當而情平矣并襄子墳餘地並給南北关廟民賃租而畊倘不逋租即世畊不易耳自然力勤糞多而無荒蕪之病襄子墳地漸抵於瘠故稍輕八蜡廟地之以益之使人樂于並畊可為長久之計也

公署

在縣治東北中為堂左茶廳右衣廳堂前捲棚直指康公丕揚題紀綱中外東西皂隸房頭二

察院

門如制堂後為川堂直指陳公于廷題靜虛動直楊公師程題端木澄源東牆外為厨房西牆外為吏書房川堂後為後堂東西各卧房萬曆四十二年知縣王立爰增修頭門外

定襄縣誌

卷之二

建置十五

甗砌臺階前堂扁貞憲護以聯皇華使節斧持霜到處冰 瞻烈日按部行春車帶雨一

方雲望見仁天後扁冰玉堂房外別構一室分內外窻門南向置亮窻豁然靜爽

分司

一為藩司在東街久廢一為臬司在藩司東歲久傾圮不能駐節萬曆四十二年知縣王立爰議處詳允鼎新修葺門堂皂隸房如制仍增扁聯堂左增建茶廳堂後院東為吏書房西為

廚房後為寢室東西兩卧房

按舊藩分司地勢高起乃儒學後照托屬乾地宜高不宜低也舊建公署或見及此耳今廢已久業禁止民間取土且建鐘樓于東隅之前矣議欲建襄子祠于其地前暨官廳後暨一閣可備官使駐節以為儒學之後障招僧住持長守勿壞值諸修砌之後一時未可遽竣遂爾稽格漫識其端以防士度取土者

枋楔

古晉昌坊

在縣治前萬曆四十年知縣王立愛建

天衢坊

在儒學東街口萬曆四十三年知縣王立愛重修

雲路坊

在儒學西街口舊為聖域坊萬曆四十三年改建

恩榮坊

進士邢洪在中街南

登雲坊

舉人吳昂在南城外西路南又舉人高厚在縣治前西路北

攀龍坊

舉人樊在南城外西路北

青雲得路坊

舉人喬震在縣治前西

定襄縣誌

卷之二

建置十六

鵬程坊

舉人楊涓在縣治前西

世科坊

舉人薄世祐在中街北

三禮坊

舉人張久戩今廢

興詩坊

舉人張偉今廢

桂籍傳香坊

舉人喬光大縣治前西街

世科坊

舉人樊啟東舊在縣治前東萬曆四十三年知縣王立愛改建東街

清華直臣坊

給事中喬光大舊為進士坊在縣治前西萬曆四十三年知縣王立愛改建東街

鴻臚坊

鳴贊張瓚舊在儒學前街東萬曆四十四年知縣王立愛改建分司西

五馬坊 知州喬震在縣治前西路北

晉陽鳴鳳坊 舉人劉一貫在儒學前街口

兩京國師坊 太常寺卿管國子監祭酒事傅新德

龍章三錫坊 贈禮部右侍郎傅新德在中街

邊郵節鉞坊 叅政鄭友周在察院前

恩綸華寵坊 封直隸完縣知縣張燦在中街

青雲萬里坊 舉人張梧在中街

一鶚橫秋坊 舉人張保氏在中街

靈壽坊 在察院前街西

七賢坊 在芳蘭鎮

貞節坊 一溫鍾妻喬氏在備倉巷口 一任堯弼妻楊氏在苦水井街口 一樊邦教妻張氏在

苦水井街 一趙延祚妻張氏在察院東

一潘廷福女潘小四在察院西 一曹廷輔女曹小春在預備倉東

舖舍

傳遞舖

在城總舖司兵四名西路智村舖司兵三名
西至忻州段家莊一十五里東至總舖一
十五里東路蔣村舖司兵三名西至總舖
二十里東至芳蘭村十里芳蘭村舖司兵三
名東北至五台河邊村
十里西至總舖三十里

巡邏舖

舊南關東關智村西邢莊裡西河頭西營藍
台王進村師家灣小王村蔣村砂村芳蘭村
各官道間營有土窟遇上司經過二三村夫
執棍坐守過去尋散夜巡絕迹盜賊安得不
充斥乎萬曆四十二年知縣王立愛各路起
蓋舖房共二十一所上瓦下甎設門意閉坐
置火炕禦寒朔置更籌責令每夜各地方
輪撥鄉夫五人執械鳴锣宿舖巡守傳遞更

籌至曉方週且奉撫院關公仁度明文徧植
樹株沿途榆柳成蔭閑地棗棗茂集一望蒨
蔚漸為
樂土矣

橋梁

滹沱河橋

在高村前小木橋冬架春撤

牧馬河橋

張村鐔村待陽村趙村西鄺村蔣村神
山南作村各有小木橋冬架春撤

按沱牧兩水為大利然害亦不小倘春夏雨暴漲
發衝決莫如之何即冬未冰堅春雨而冰泮各
處木橋多為漂流民之病涉初非一日也安得不
力者題建如忻濟橋然貽萬民無窮之安也

兵防

武庫 見縣治

演武場

在西關外嘉靖五年知縣張榮修建演武亭將台門樓各一座詳三園記見藝文年久廢萬曆十九年知縣劉天禎復建本亭

按演武場即舊教民園嘉靖五年查丈連箭道共地九十三畝八分五釐見本記久為民間侵種萬曆四十四年知縣王立爰清出以隆慶年間步弓大量共地七十五畝一分五釐除演武亭一畝五分七釐亭階下官道一畝七分將台五分共地三畝七分七釐公占外其餘七十一畝四分三釐仍做舊時行義倉例給民耕種每畝歲徵穀三斗五升以備教民紡織與夫周濟之需冬間仍聽民兵習武

定襄縣誌

卷之二

建置十九

草場

在城隍廟西久廢計地三畝六分一釐六毫六絲本場額編馬草四十三束二分二釐四忽三微

民壯

上四十八名每名工含銀九兩四錢四分共四百五十三兩一錢二分歇班四十八名每名工含銀六兩二錢共二百九十七兩六錢力差內派給遇閏不加萬曆三十二年奉文每歲盡發修築邊橋本縣議留一十五名固守城池應充鼓手八十一名盡數上邊內一名係百夫長喬份之後世襲

軍器

盔甲 二十付

弓箭 九十付

弓弩 共二十二張

大鐵頭箭 三百枝

斬馬力腰刀推刀 共一百八十八杆

雙頭快槍三股快槍懸槍快槍 共八百五十六杆

長槍 三百九十杆
三眼槍 八十杆

推叉 二百杆
旗幟 九十杆

遮箭牌懸簾架猛棍 共二千四十六杆

火器

中將軍 四位
佛郎機 六十杆

定襄縣誌

卷之二

建置二十

大炮連珠炮湧珠炮 共一百一十八位

炸炮 八百四十箇
毒虎炮 一十五位

火箭桶 一千個
火車 八輛

火箭 三十枝
鉛子 一萬一千五百四十顆

佛郎機藥 九十斤
火藥 一百七十斤

毒藥 二包
以上藏武庫

民置軍器

盔甲 一十七付
弓箭 一百七十九付

箭筒 一千箇

推刀 一百二十一杆

腰刀 七十三口

長槍 二百六十一杆

懸槍 二百六十九杆

推叉 一百七十九杆

旗幟 二十三杆

猛棍 二百八十三根

民置火器

將軍炮 四位

佛郎機 一箇

大炮 三十五位

連珠炮 九十二位

湧珠炮 九十二位

盞口炮 一十位

定襄縣誌

卷之二

建置二十一

炸炮 二千三百零五箇

銃 七十四杆

鉛子 一萬一千一十顆

鐵子 七百三十顆

火藥 七千斤

以上各藏堡寨

按襄邑今屬中路距虜數百里而近屢中慮患世廟庚申九月十四日虜入境十六日攻破林木堡蕎麥寨燒高村李家樓入澤里村至十八日而去殺死千餘人有與敵者擄去又以數百計明年再過時有石州之變邑人給事中喬光大建言如宣大州縣例設守備軍戍守每歲防秋調一分戌關寨留二分護守城池此誠衆土之謀惜寢而未行至今卒未有兵衛雖額設民壯九十六名然三年一審非紈袴之子則畚之夫一遇干役率津貼工食雇人抵應直故事耳彼且目不識旌旗手

不閑弓箭無論虜警猝至束手以待即盜賊竊發孰為應援今欲移軍兵戍守恐彈丸之地未受其利先受其害即欲議復義兵之制其數寡寡無益緩急之用古者兵干農我朝正統十四年議設民壯後有保甲法事雖不同其為弭盜禦侮一也當此無兵之地而為備之策莫如改審編民壯為召募今閭勇力壯夫盡為公家之用揀選諳曉武秬陣局者四人為教師分為隊長統于百夫長仍選武生四十人習騎射即准頂民壯數內工食聽補官節制每月三日赴教場教習坐作進退之方鎗棍弓箭之技一如營兵操演法縣正官月終親閱一次無事分班築邊有事拜聽調遣此及五年中間果有勇士超距或射藝精工者起送本道覆試不謬仍照營兵例授以名色職銜議增月糧弱夫無用者不時汰補再于保甲法內責令甲正副每甲報壯丁一人一甲一人十甲十人百

定襄縣誌

卷之二

建置二十二

甲百人千甲千人名日鄉兵城內关廂徑赴教場各鄉村落擇就近空闲地內各備槍棍弓箭聽保正副統率于農隙時自相操練除夏季暫輟餘三季終縣正官調集教場同民壯總閭一次申明賞罰以示激勸計習練之久人人可化為精兵軍火器械不為虛具隱然有虎豹在山之勢不第潛消而不敢動脫有虜警不恃無恐也頃者先議條陳而未果兵部覆奉欽依見後民兵每十名揀選六名常川操練以四名為弓箭手二名為火器手巡捕官督率三日操練一次正印官每月一操府總捕官每季一操本道出巡閱視一操各量行賞罰以示激勸通行省直着實修舉舉之此其時矣邊鄙敝邑從此當有禦虜長策也